



Ammasuunissamik politikki
Kommuneqarfik Sermersooq
2015





Imai

Aallaqqaasiut.....	3
Attaveqatigiinnermi naleqartitat	4
1 Illup iluani attaveqatigiinneq	4
1.2 Sulisut naligiiaat akornanni attaveqatigiinneq	4
1.3 Sermeeraq.....	5
1.4 E-mail.....	5
2. Avammut attaveqarneq	5
2.2 Nittartagaq.....	6
2.3 Tusagassiorfiit.....	6
2.4 Nipangiussisimasussaataaneq	7
2.5 Kina oqaaseqarsinnaava?	7
2.6 Oqaluttuatsialak	8
3 Ajornartoornerup suliarinera.....	8
3.1 Ajornartoornermi upalungaarsimaneq	9
3.2 Ajornartoornermi suleqatigiit.....	9
3.4 Ajornartuulerfiusinnaasut.....	9
4 Kommuneqarfik Sermersooq qarasaasiami naapittarfinni.....	10
4.2 Qarasaasiami naapittarfiit pillugit suleqatigiit	10
4.3 Qarasaasiami naapittarfiit pillugit malittarisassat	10
4.4 Nittartakkat immikkoortortani	11



Aallaqqaasiut

Una ammasuunissamut politikki eqqarsaataavoq sakkussatut Kommuneqarfik Sermersuumi annerpaamik ammasuunissamik politikikkut anguniakkap piviusunngortinnissaanut.

Una kommunimi pingaarnertut periusissamut tapiliussaavoq: "Sermersuaq ikaarlugu" aamma kommunimi pingaarnertut naleqartitat Kommuneqarfik Sermersooq nunami maani oqartussaaffinni ingerlatsineq pillugu avammut ilisimatitsillu arnerpaanut ilaareeraluartoq anguniagaq sulii anguneqanngilaq.

Innuttaasunit, tusagassiorfinnut, suliffeqarfinnit kattuffinnillu tusakulavarput Kommuneqarfik Sermersuumut paasissutissanik piniarneq imaannaanngitsuusoq.

Inuiaqatigiinnut ungatitsinniittunut attaveqarnerput pillugu attaveqatigiinnermut naleqartitanik anguniakkanillu tigussaasunik atulersitsinitsigut suliffeqarfik avammut ammarusupparput.

Ammasuunerup paasiuminartuunerullu annertusarneratigut qularinngilarput innuttaasut sulisullu iluarusunnerulernissaat angussallutigu peqataanillu kommunip tusaamaneqarnera pitsanngorsarlugu.



Attaveqatigiinnermi naleqartitat

Attaveqatigiinnermi sumiluunniit, naqitatigut oqaatsitigullu, tunngaviusumik naleqartitat sisamat aallaaviusarput:

- Uppernartuuvugut – oqaatsigut tatigineqarsinnaapput
- Ammavugut – attavigineqarsinnaavugut aamma paasissutissat pisariaqartinneqartut tamarmik pineqarsinnaapput
- Sullississaagut – siulliuniartarpugut aamma attaveqarneq ajorpugut aatsaat paasissutissanik apeqquillisoqaraangat. Nammineq siulliulluta nalunaaruteqartarpugut aamma suliat nuanniikkaluarpataluunniit
- Paasineqarluarsinnaavugut – attaveqarnitsinni tigusissusaaq aallaavigisarpaput aamma tigusisussap pisariaqartitai aallaavigisarpagut.
- Ulluinnarni ingerlatsinitsinni attaveqatigiinneq akuulluinnarpoq aamma ataatsimiinnerit naaneri tamaasa eqqarsaatigisarpaput ullumikkut angusat kimut kikkunnulluunniit ingerlateqqinneqassanersut.

1 Illup iluani attaveqatigiinneq

Aqutsisut sulisullu inuttut toqqarlutik attaveqatigiittarnissaat pingaartipparput. Aqutsisut immikkut akisussaaffeqarput, illup iluani paasissutissiisarnissaq attaveqatigiinnissarlu qularnaassallugu.

1.2 Sulisut naligiiat akornanni attaveqatigiinneq

Sulisut naligiiat akornanni attaveqatigiinneq attaveqatigeeriaatsini pingaarnersaavoq, illup iluani attaveqatigiinnissaq pineqartillugu.

Sulisut naligiiat akornanni attaveqatigiinneq tassaavoq sulisut naligiiat akornanni paasissutisseeqatigiinneq, pisortaniit immikkoortortani fagchefinut tassanngaanniillu sulisunut – kiisalu uteqqillugu. Paasissutissiineq inummiit inummut pineqartarpoq.

Pilersaarutit allannguinerillu pitillugit sulisut naligiiat akornanni attaveqatigiinneq pingaartorujussuusarpoq, amerlasoorsuarnut allat aqqutit atorlugit attaveqartarnermut naleqqiullugu. Sulisut naligiiat akornanni attaveqatigiittarneq pingaartinneqartarpoq, sulisut pitsaasumik tunngavilersuilluarlunilu oqaloqataasinnaaqullugit Kommuneqarfik Sermersuumi takorluukkat, anguniakkat isumallu pillugit qulakkeerpeqassalluni.



Attaveqatigiinnermut immikkoortortap sulisut naligiiaat akornanni attaveqatigiinnermut tunngatillugu sulissaraat attaveqatigiinnermi ilitsersuisuunissaq aamma siunnersortaanissaq, aqutsisut ataatsimoorlutik kommunip oqariartuutaanik sulisuminnut apuussilluarsinnaaqqullugit.

1.3 Sermeeraq

Kommuneqarfik Sermersuup Intranetiani "Sermeeraq"-mi sulisut ilisimasariaqagaat paasissutissat tamarmik oqaluttuarineqarput. Pisortaqaatigiit aamma suliatik oqaluttuaraat kommunip ineriartorneranut sulisut peqataatikkumallugit.

Immikkoortortat kaammattorneqarput iluatsitaminnik suliassaminnillu oqaloqatigiittarfimmi tassani saqqummiusseqqullugit. Iluatsitsinerit pillugit oqaluttuat isumassarsiorfigineqartarput, aammali sulissat unamminartut pillugit oqaluttuat siunnersuutaasinnaapput ilitsersuutaallutillu sullivimmi immikkoortortaqaqfennut allanut.

1.4 E-mail

Email sakkuuvoq inuit ataasiakkaat attaveqatigiinneranni atugassaq, inummiit inummut imaluunniit inummiit inuppassuarnut. Email pisariaqarluinnarfiani ataatsimmut amerlasuunut attaveqarniarnermi aatsaat atorineqartariaqarpoq.

2. Avammut attaveqarneq

Attaveqatigiinneq ingerlasoq ammasuusaaq aamma kommunimi, nunap sinnerani nunarsuullu sinnerani innuttaasut oqaloqatigineqassapput.

Attaveqatigiinneq sullissinnermut ilaalluinnarpoq. Taamaattumik Kommuneqarfik Sermersuumi sulisut TAMARMIK akisussaaffigaat attaveqassallutik kommunilu avammut ilisaritissallugu. Naqitat tamarmik suliarineqartut illumiillu avammut nassiussat, aamma allakkat naqitalu, attaveqatigiinnermut naleqartitanik tunngaveqassapput, kommunip najoqqutassatut aalajangersagaa malillugu.

Attaveqatigiinnermut immikkoortortaqaqarfik piareersimasoq ilitsersuissalluni siunnersuissallunilu aamma suliaqarnermi ikiunnissaminut piareersimavoq.

Avammut attaveqarnermi amerlanerpaanut apuussinissaq kiisalu attaveqatigiinnermi anguniakkat piviusunnngortinnissaat pillugu attaveqatigiinnermut immikkoortortaqaqarfik attaveqatigiinnermut pisariaqartitsineq naapertorlugu pilersaarusiussaaq, sapinngisamik amerlanerpaat angujumallugit. Pilersaarutip oqariartuutit qanoq ittuunissaat suliarinerani paaseqqissaassavagut oqallisigalugillu, kikkut saaffigissarnerigut, tusagassaqartitsiviit, imai, ilusaa, akigititat il.il.

Attaveqatigiinnermut immikkoortortaqaqarfik pisariaqartitsisoqarnera naapertorlugu attaveqatigiinnermut pilersaarusiordernermi ikiutissaaq.



2.2 Nittartagaq

www.sermersooq.gl kommunip avammut, innuttaasunut tusagassaqtitsivinnullu tusagassiviini pingaarnepaajuvoq pingartinneqarnerpaallunilu

Nittartakkami nutaarsiassat kingulliit tusagassiutinullu nalunaarutit saqqummiunneqartassapput. Aamma innuttaasut paasisutissanik sapinngisamik amerlanerpaanik aallersinnaassapput angerlarsimaffimmini imminnut kiffartuunniarlutik, innuttaasunut kiffartuussiviit iserfigineqarsinnaasut atorlugit.

2.3 Tusagassiorfiit

Tusagassaqtitsivinnit ilanngunneqarneq avammut nittarsaassinermi pingaaruteqarnerpaavoq. Pitsaasumik tatigeqatigiilluta suleqatigiinnisarput kissaatigaarput, aamma tusagassaqtitsiviit akuersaarlugillu ammavugut. Tusagassiutinut ingerlaavartumik attaveqarneq oqaloqateqarnerlu pingaartilluinnarpagut.

Qisuariartassaagut sukkasuumik eqqortumillu aamma suleqataassaagut, ersarissuussaagut tusagaasiutinullu unneqqarissuulluta. Kikkut tamarmik akisussaaffigaat piareersimaffigissallugu "Sulianik" suussusersisarnissartik, ajornartorsiutinngortinnagit aamma pisortarisaq piaarnerpaamik ilisimatinneqartassaaq. Tamatuma kingorna Attaveqatigiinnermut immikkoortortaarfik akulerutsinneqassaaq pilersarusiap ingerlaqqinnissaa pillugu aamma isummertoqarnissaanut kommunip ajornartoornermi upalungaarsimanissaanut pilersaarut naapertorlugu.

Paatsuungasoqannginnissaa, tamakkiisumik iliuuseqarnissaaq paasisimasaqarluarnissarlu qularnaarumallugit Attaveqatigiinnermut immikkoortortaarfik ilisimatinneqassaaq, sulisut tusagassiorfinnut attaveqareeraangata qulequttat sullivimmut pingaarutillit pillugit.

Taamaasiorluta tusagassiorfinnut iliuusissagut allat naleqqussarsinnaassavagut, pineqartut tusagassiutinut anngutsinnagit sulisugut ilisimatillugit, tamanna pisariaqartoq nalilerneqarpat. Tamatigut sulliviup iluani paasisutisseeqqaartarnissaaq anguniarparput, suliaq tusagassiutinit sammineqartinnagu imaluunniit sammineqalernerani. Kisianni illup ungataaniittut tusagassiorfiit sulliviup iluani paasisutissiissagutta atussanngilagut – paarlattuaniq attaveqaatit sulliviup ungataanut attaveqarnerup sullivimmi suussusersiinnermut sunniutigisartagai ilisimavarput.

Tusagassiorlut piffissaat kingulleq tikitsinnagu tamatigut saaffiginnissutaat akisassavagut aamma isumaqatigiissutigisagut eqqortittuaannassavagut. Tunngaviusumik akinngisaannassaagut "Oqaaseqaatissaqanngilanga" pisariaqanngitsumik pasitsatsitsisarmat, isumaqalersitsisarluunilu ajortoqartoq aamma toqqorteriniarsarisutut isumaqarfigineqalersaratta. Massakkorpiaq akisinnaanngikkutta oqassaagut, qaqugu akisinnaanerluta nassuiarlugulu sooq massakkorpiaq akisinnaannginnersugut.



Attaveqatigiinnermut immikkoortortaq ulloq unnuarlu upalungaarsimasoqarpoq, apeqqutit tusagassiutineersut akisassallugit. Sulisut tusagassiorfinniit attavigineqartut kinaassusersinnaanngisasminnik qinnuigineqarput upalungaarsimasunut innersuusseqqullugit. Pisortat, stabschefit aamma fagchefit paarlattuanik pisussaapput sivikitsuinnaap iluani apequtunik tusagassiortuneersunik akinissaminnut.

2.4 Nipangiussisimasussaataaneq

Soorunami tamatta suliat inunnut paasissutissanik imallit pineqartillugit tatigut nipangiussisimasussaataaneq ataqqisussaavarput. Suliani taamaattuni paasissutissanik piniarfigineqaraangatta, nassuiartassavarput paasissutissanik tunniussisinnaanata nipangiussisimasussaataanerput pissutigalugu.

Suliamut tigussaasumut tunngatillugu oqaatsit nalinnaasut atorlugit oqaaseqartassaagut. Suliani immikkuullarissuni pissutsit tunngaviusut ingerlateqqinneqartarmata iluaqutaakkajuppoq, suliarlu aalajangersimasoq pillugu paasinninnerulersitsisarluni.

Sulianut tunngatillugu tusagassiortoq inuit kommuni pillugu naammagittaalliorsimasut sinnerlugit sianerpat tamatigut siunnersuisarpugut qanoq iliorluni allattugaatinik amerlanerusunik piniartoqarsinnaanersoq.

Attaveqatigiinnermut immikkoortortaq tusagassiorfinnut attaveqartarneq pillugu siunnersuuteqarsinnaavoq pitsaasunik.

2.5 Kina oqaaseqarsinnaava?

Sulisut tamarmik oqaaseqarsinnaatitaapput, oqaaseqarnissaminnulli pisussaataatanik. Oqaaseqarnisaq toqqissisimanarinngikkaanni, sulisut pisussaapput sulisumut susasaqartumut allamut aqutsisumulluunniit ingerlatitseqqissallutik.

Sulisut tamarmik kommunimi sulisutut misigisatik pillugit oqaaseqarsinnaatitaapput.

Sulisut tamarmik suliatik pillugit oqaaseqarsinnaatitaapput. Tunngaviusumik sulisoq suliamut akisussaasoq oqaaseqarsinnaavoq, tunngavissaqarluarnerugami, kisianni pisortat ataasiakkaat Akisussaaffigaat malittarisassiutissallugu kommuni sinnerlugu kina tusagassiortunut akisinnaassanersoq apeqqutit tunngaviusut pillugit.

Suliat ingerlateqqinneqartuaannangajammata innersuusutigineqassaaq immikkoortortami suliap oqallisigineqaqqaarnissaa tusagassiorfinnut oqaaseqartoqartinnagu.

Isummat naliliinerillu politikkimut tunngasut politikerit oqaaseqarfigisassavaat kiisalu pisortaqtigii allallu toqqakkat kommuni sinnerlugu oqaaseqarsinnaapput.



Suliat ataatsimiititani ataavartuni suliarineqartut pillugit tunngaviusumik ataasimiititap siulittaasuaniit oqaaseqarfigineqartassapput.

Inuinnartut oqaaseqarneq: Sulisut tamarmik inuinnartut suna tamaat pillugu oqaaseqarsinnaatitaapput. Pisariaqarpallit erseqqissarneqassaaq inuinnartut oqaaseqarluni, kommunilu sinnerlugu oqaaseqartuunani.

Oqaaseqarneq sumut attuumassuteqarnerisooq immikkoortinneqarnissaa pingaaruteqarpoq. Kommuneqarfik Sermersuumi sulisutut oqaaseqaraanni kommunimut sinniisutut inissisimanissaq aallaavigineqassaaq, taamaattumillu kommunip isumaa oqariartuutigineqassaaq.

Suliffimmi malittarisassat nalinginnaasut tusagassiortunut oqaaseqassagaanni soorunami aamma atuuttarput. Kommunimut aqutsisorisamullu nipangiussisussaataaneq il.il. eqqarsaatigalugit unneqqarissuunissamik attassiinnarnissaq sulisutut pisussaaffiuvoq. Aqutsisut imaluunniit qaffasissumik atorfillit soorlu pisortat, stabschefit, attaveqatigiinnermik suliallit il.il. eqqaamassavaat tamat eqqarsartariaasiat naapertorlugu kommunip sinnerlugu oqaaseqartutut isigineqassagamik. Taamaattumik oqaaseqarnerat kommunimut tussaaq. Sulisut taakku taamaattumik kaammattorneqassapput kikkut tamat oqalliseqataaneranni akuunaveersaaqqullugit.

2.6 Oqaluttuatsialak

Kommunimi pisartut periarfissallu ersarissuunissaat pillugu oqaluttuatsialannik anngussisarnissaq pingaaruteqarpoq, kommunip tusaamaneqarnera kusanartumik nittarsaanneqassapput. Aamma ulluni nalinginnarni ingerlanitsinni oqaluttuatsialappassuarnik ulikkaarpoq. Kikkut tamarmik oqaluttuatsialaat akisussaaffigaat, anngullugillu. Pisut aalajangersimasut pillugit aqutsisut isumaqatigiissuteqarfigiuk, oqaluttuap qanoq anngunneqarsinnaaneranut imaluunniit Attaveqatigiinnermut immikkoortortaq attavigiuk siunnersorneqarumallutit, ilitsersorneqarumallutit isumasioqatigiumalluguluunniit.

3 Ajornartoornerup suliarinera

Tusagassiutini eqqartornerlunneqarnerup sullivup tusamasaanera, isigineqarnera piusariaqarneralu tunngaviusumik aserorsinnaavaa.

Tusagassiutini eqqartornerlunneqarnerit pigajupput, arlaannik ajortoqarsimappat, kukkuluttorujussuortoqarsimappat, sumiginnaasoqarsimappat aamma eqqarsaatigilluagaanngitsunik saqqummiussisoqarsimappat.

Eqqartornerlunneqarnerup saniatigut tusagassiutini saassutarineqarnerup nassatarisinnaavai unnerluutigineqarneq, missingersuusiugaanngitsunik aningaasartuuteqarneq kiisalu sullivimmi annilaanganeq nuanniilliornerlu.



Suliat ajornartoornermik kinguneqartitsisinnaasarmata pisariaqarpoq ajornartoortoqannginnissaata eqqumaffigineqarnissaa, tassa imaappoq, ajornartorsiutit tamanit ilisimaneqanngitsut eqqumaffigineqassapput, sukkasoorujussuarmik ajornartorsiortitsilersinnaammata.

3.1 Ajornartoornermi upalungaarsimaneq

Malittarisassat immikkut ittut atuutilersarput ajornartoortoqartillugu imaluunniit ajornartoortoqarnissaa uaneralaamiilersimatillugu. Ajornartoornermi upalungaarsimaneq pitsaasoq iluaqutaasorlu ajornartoornerup killilersimaarnissaanut kisimi atorneqarsinnaanngilaq, amerlasuutigulli pinngitsoortittarpaa ajornartorsiutip ajornartoorninngunnginnissaa. Kinguneqarluartumik ajornartoornermi upalungaarsimaneq pissappat pinngitsoorani pisariaqarpoq:

- Tamakkiisumik paasisaqarsimanissaq – Eqqissisimagit ajornartoornerullu akornissaanut pilersaarusiorlutit
- Iliuuseqarasuarnissaq aamma sukkasuumik qisuariarnissaq – Sukkasuumik qisuariassaagut – akunnerni arlalinni utaqqeqqaarata imaluunniit aqagumut utaqqeqqaarata – massakkorluinnaq
- Saqqumisuunissaq aamma nassaariuminartuunissaq – Ajornartoorneq puigortinniarsarineqassanngilaq. Ajornartoorneq tammarnaviannngilaq toqqorteraluarutta.
- Saqqummissaagut suliamillu saqqummiussineq sunnernerlugu uangut isummatsinnik.

3.2 Ajornartoornermi suleqatigiit

Aqutsisoq qaninnerpaaq ilisimatinneqarasuassaaq ajornaartoortoqarpat imaluunniit ajornartoortoqalissagaluarpat. Aqutsisoq ajornartoornermi suleqatigiittussanik pilersitsissaaq, pisoq aallaavigalugu pilersaarusiortussamik ajornartoornermillu suliaqartussamik. Ajornartoornermi suleqatigiinni ilaassapput borgmesteri, pisortaaneq aamma/imaluunniit pisortaqatigiinnit arlaat kiisalu attaveqatigiinnermut immikkoortorta.

3.4 Ajornartuulerfiusinnaasut

Ajornartuulerfiusinnaasut – suliat mikisualuunerusut – ajornartoorninngoriataarsinnaapput annertuut. Kommuni piffissap sivikitsuinnaap ingerlanerani tusagassiutini naatsorsuutigineqanngitsumik, ajunaartoqarsimappat imaluunniit sumiiffimmi inuttaasuni ineriartorneq pissutigalugu eqqartornerlunneqalersinnaavoq. Ajornartuulerfiusinnaasunik eqqarsarnissaq aqutsinermi eqqumaffigisassat pingaernerit ilagileriartorpaat taamaattumik anguniagaavoq ajornartuulerfiusinnaasunik pinngitsoortitsinissap ilinniarluarsimasunit suliarineqartarnissaa aaqqissuulluarneqarnissaalu.



4 Kommuneqarfik Sermersooq qarasaasiami naapittarfinni

Qarasaasiami inuit naapittarfianniinnerup siunertaraa innuttaasut iluarisimaarinninnerulernissaat Kommuneqarfik Sermersuumillu ilisarismanninnerulernissaat.

Qarasaasiami inuit naapittarfii innuttaasunik kiffartuussivvimi atorpeqarsinnaavoq, aaqqissuussinerit pillugit ilisimatitsinerni atorpeqarsinnaavoq, nutaarsiassanik siammarterinerimi atorpeqarsinnaavoq aamma pilerisaarinerimi.

Kommunip aallaavik taanna atorlugu nutaarsiassanik siammarterissaaq innuttaasut amerlanersaannut soqutigintunik, naammattunik amerlassusilinnik inooqataanerput paasitinniarlugu atuisut ataasiakkaat atuinerat inangingikkaluarlugu.

Tusagassiutitoqqanut naleqqiullugu qarasaasiami inuit naapittarfiini atuisut periarfissaqarput oqaaseqarnissaminnut apeqquteqarnissaminnullu, naatsorsuutigisaminnik akineqartariaqartutut. Anguniagaavoq innuttaasut kiffartuussiviat sukkaasoq pikkorissorlu apeqqutaatinagu attaveqatigiinnermi suna aallaaviunersoq aamma qarasaasiami inuit naapittarfiini pisariaqartitsineq minnerunngerluaasarpog. Suna tamarmi ingerlanneqarpoq tamanit takuneqarsinnaalluni aamma taamaattumik innuttaasut tamarmik periarfissaqarput sullissinitsinnik nalilersuinissaminnut. Saaffiginnissutit sukkaasumik, naatsumik eqqortumillu akineqartassapput inussiarnersumik oqaloqatigiinnissaq uummarissarlugu.

4.2 Qarasaasiami naapittarfiit pillugit suleqatigiit

Atuisut paasissutissinneqararnissamut kiffartuunneqarnissamullu naatsorsuutaat piviusunngortikkumallugit pilersinneqassaaq Qarasaasiami naapittarfiit pillugit suleqatigiit.

Suleqatigiinniissapput sulisut attaveqatigiinnermut immikkoortortaqaqarfimmeersut, pingaartuusarlutik qarasaasiami inuit naapittarfiini nalignnaasumik ammasarfiup nalaani saaffiginnissutigineqartunut tamanut akissuteqartassapput.

Suleqatigiit pitsaasunik akissuteqarsinnaaqqullugit, suleqatigiinnit attavigineqarsinnaassapput ingerlatsiviit sinniisaat kiisalu innuttaasunik kiffartuussivvimi sulisut.

Suleqatigiit attaveqaataasut pisussaapput piffissap sivikitsuinnaap iluani paasissutissanik tunniussisarnissaminnut.

4.3 Qarasaasiami naapittarfiit pillugit malittarisassat

Qarasaasiami inuit naapittarfiit oqallinnerup torersuunissaa qularnaarumallugu, attaveqatigiinnermi malittarisassat makku malinneqassapput:



- Kommuneqarfik Sermersuup qarasaasiakkut naapittarfiit atortassavai aserfallattaallugillu. Isertarfiit soqutaajunnaartut imaluunniit soqutigineeruttut peerneqartassapput.
- Kommuneqarfik Sermersooq attaveqartarpoq oqaatsit inussiarnisaartut akuersaartullu atorlugit.
- Kommuneqarfik Sermersooq tamatigut nalunaaruteqartassaaq kalaallisut qallunaatullu. Oqaatsit allat atorneqarsinnaapput suliap tamanna pisariaqartippagu.
- Saaffiginnissutit tamarmik akineqartassapput minnerpaamik oqaatsit allannermi atorneqartut atorlugit.
- Ilanngussaq inunnut aalajangersimasunut qulaarinnittut nunguterneqartassapput.
- Ilanngussat sulisunut aalajangesimasunut imaluunniit allanut nikanarsaasut imaluunniit eqqunngitsunik pasilliiniutinik imallit nunguterneqartassapput.
- Ilanngussat narrujuumminartunik imallit peerneqartassapput.
- Ilanngussaq Kommuneqarfik Sermersuup isigineqarneranut ajoqusiisoq akineqassaaq, nunguterneqassanngilaq. Sinaakktissat iluanni killiligaanani oqaaseqarsinnaatitaaneq atuuppoq.
- Atuisut, ilanngussaminnik nunguterunneqartut nalunaarfigineqartassapput tunngavilersorlugu sooq nunguterisoqarsimanersoq.

4.4 Nittartakkat immikkoortortani

Ingerlatsiviit, nunaqarfinni kommunip allaffii, immikkoortortat, meeqqeriviit allallu immikkoortortat kommunip ataaniittut kammattorneqarput namminneq nittartagalioqqullugit qarasaasiakkut inuit naapittarfissaannik, nalilernerqarsimappat atuisunut innuttaasunulluunniit attaveqarneq pitsanngoriartinneqarsinnaasoq. Nittartagarli ilusilernerqassaaq kommunip ataatsimoortumik nittartagaanut paarlaanneqarsinnaajunnaarlugu.

Immikkoortortaqarfiit ataasiakkaat suliassaraat qularnaassallugu nittartakkamut, qarasaasiakkut naapittarfissamut malittarisassiarineqartut malinneqarnissaat. Nittartakkap pilersinneqarsimanera pillugu Team for Sociale Medierimut nalunaarutigineqassaaq, taannalu aqqissuisoqarfittut pisinnaatitaaffilerneqassalluni, taamaalilluni ataavartumik pitsaassusaata nalilersorneqartarnissaa siunnersorneqartarnissarlu isumannaarumallugit.